



Inatsisartunut ilaasortaq
Jens NapätôK'
Naleraq
Maani/

§ 37 naapertorlugu apeqquteqaammut nr. 2026 052-mut akissut

Inatsisartut suleriaasissaanni § 37-mi imm. 1 naapertorlugu Naalakkersuisunut tulaassisussaataaneq pillugu apeqquteqarputit. Apeqqut suliaasaqarfigisannit akineqartussanngorlugu innersuunneqarpoq.

1. Avataani qaleralinniarnermi tulaassisussaataaneq tunisussaataanerlu pillugit 25%-imik appaasimaneq Naalakkersuisut uppersarsinnaanerlugu, Royal Greenland A/S-imi Kommune Qeqertalimmi, Qasigianguani, Kangaatsiamilu pisassat annerpaartaannik nunami atortulersuutitalinnut tulaassinissamut pisussaaffeqarunnaarmat?

Naalakkersuisut kissaataat naapertorlugu tulaassisussaataanerup naleqqussarneqarsinnaanera Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmit 2023-mi misissorneqarpoq. Tassunga atatillugu Royal Greenland A/S-ip pisassai 100 %-imik tulaanneqartussaataaillutillu tisanegartussaataasut 25 %-imik tulaanneqartussaataatassanngortinnissaat inassutigineqarsimavoq. Tassa tulaassisussaataaneq assigiissarneqarluni. Royal Greenland A/S pisassaminit Paamiunut, Maniitsumut, Kangaatsiamut imaluunniit Qasigianguanut tulaassisarnissaminut suli pisussaaffeqarsimalluni. Tamanna Attassisinnaanermut Ineriartortitsinissamullu Pilersaarummi 2-mi ingerlariaqqiffissaq 2 naapertorlugu pisimalluni.

Maniitsumut, Paamiunut, Qasigianguanut Kangaatsiamullu tulaanneqartartunut eqaatsumik annertussusiliisarnissaminut Royal Greenland A/S 2023-imi piginnaatinneqarpoq. Tamatuma malitsigisaanik aalisakkanik suliffissuarni tunisassiassaqaasuseq aallaavigalugu tunisassiorfennut assigiinngitsunut agguaasoqartalerpoq.

2. Avataani qaleralittassiissutit Royal Greenlandip tulaattagai pillugit Naalakkersuisut nassuiarsinnaanerlugu, uani nunami atortulersuutit umiarsualiviillu sorliit pisanik tigusaqartarnersut kisitsiviusullu eqqortut paasissutissiissutigalugit ilanngullugit (tonsit procentillu) illoqarfinni ataasiakkaani 2023-mi 2024-milu agguataarneqarsimasut kiisalu 2025-mi agguaassinissamut naatsorsuutigineqartoq ilanngullugu?

Royal Greenlandip 2023-mit 2025-mut avataasiorluni qalerallit tulaattarsimasai kiisalu tulaanneqartut pisassanit tamarmiusunit procentinngorlugit annertussusaat takussutissiami tullinnguuttumi takuneqarsinnaapput.

26-03-2026
Suliap normua: 2026-6264
All. nr.: 26340750

Postboks 269
3900 Nuuk
Oq. (+299) 34 50 00
Fax. (+299) 34 63 55
E-mail: apn@nanoq.gl
www.naalakkersuisut.gl

Kisitsisitigut takussutissiaq 1: Royal Greenlandip kitaani aalisakkanut suliffissuarnut avataasiorluni qalerallitaminik tulaattarsimasai				
Ukioq	Akuersissut	Pisiortortoq	Annertussusaat tonsinngorlugit	Tulaassat annertussusaat procentinngorlugit*
2023	Kalaallit Nunaata kitaata avannaa	Royal Greenland, Maniitsoq	855,48	
		Royal Greenland, Qasigiannuguit	92,01	
		Royal Greenland Sisimiut	459,01	
	Kalaallit Nunaata kitaata kujataa	Royal Greenland, Maniitsoq	29,98	
2024	Kalaallit Nunaata kitaata avannaa	Royal Greenland, Qasigiannuguit	306,43	6%
2025	Kalaallit Nunaata Kitaa	Royal Greenland, Maniitsoq	317,44	
		Royal Greenland, Paamiut	192,74	
		Royal Greenland, Qasigiannuguit	1106,10	
*Royal Greenland A/S kitaata avataani qalerallitassai 2023-mi 4.375 , 2024-mi 4.974 aamma 2025-imi 3.294 tonsiusut naapertorlugit naatsorsukkat. ** Royal Greenland 2024-mi nammineq Tunumi qaleralinnut akuersissutaatini (tulaassisusaatitaanermut ilaanngitsut) atorlugit 917 tonsinik tulaassivoq, taamaasilluni tulaassat 4.974 tonsiusunit 25%-it tulaanneqarsinnaalersillugit.				

3. Nunamut tulaassisusaatitaanerup annikillilerneqannginneranut naleqqiullugu Kommune Qeqertaliup avataani qalerallitassiissut qanoq angitigisoq ullumikkut tulaanneqartarpa?

Kommune Qeqertalimmi Royal Greenlandip tunitsivinnut 2020-2025 tulaanneqarsimasut tullinnguuttuni takuneqarsinnaapput.

Kisitsisitigut takussutissiaq 2: Kommune Qeqertalimmi Royal Greenlandip tunitsivinnut 2020-2025 tulaanneqarsimasut						
Tunitsiviup sumiiffia	2020	2021	2022	2023	2024	2025
Royal Greenland, Kangaatsiaq	0,00	28,42	36,93	0,00	0,00	0,00
Royal Greenland, Qasigiannuguit	890,57	1085,10	985,55	92,01	306,43*	1106,08
Katillugit	890,57	1113,52	1022,48	92,01	306,43	1106,08
* Royal Greenland 2024-mi nammineq akuersissutaatini atorlugu pisassat 917 tonsit Tunumi aalisarsimavai, taakkulu Qasigiannuguanut tulaanneqarlutik taamaasilluni tunitsivimmut tassunga tulaassat katillutik 1.223,43 tonsiulerlutik.						

Kisitsisitigut takussutissiami takuneqarsinnaasutut tulaassisusaatitaanerup 2023-mi allannortinneqarnerata kingorna tunitsiviit qaleralinnik avataaneersunik assigiinngitsunik annertussusilinnik tulaassuivigineqartarsimapput. Tunitsiviit 2020-2025 tulaanneqartartunit aatsaat taamak annikitsigisunik 2023-mi tulaassivigineqartarsimapput, 2025-milu tulaanneqartarsimasut amerlanerpaartaasa

tulliiniq tulaassivigineqarsimalluni. 2024-mi Tunumi pisassat ilanngullugit naatsorsoraanni 2024 aamma 2025 tunitsiviunerpaasimapput.

4. Suliffissaqartitsiniarneq, suliaqarneq inuiaqatigiillu aningaasaqarneranut illoqarfinni pineqartuni tulaassisussaataanerup appartinneqarnerata kingunera pillugu Naalackersuisut pineqartunut kingunerisassaannik naatsorsuusiorsinnaanerlutik?

Maniitsumi, Paamiuni, Qasigianguani Kangaatsiamilu suliffissat ikileriaatissaat nunattalu karsianut sunniutissai naatsorsoqqissaarneqarsimapput. Tamatuma saniatigut tulaassisussaataasimanerup attatiinnarneratigut pisortat akileraarutitigut akitsuutitigullu annaasassaat naatsorsoqqissaarneqarsimapput.

Tassunga atatillugu inerniliullugu oqaatigineqarpoq kilisaatit pisatik tamakkerlugit nunanut allanut toqqaannartumik nioqqutigineqartussanngorlugit tunisassiarisalerpatigik akileraarutitigut akitsuutitigullu isertitat 29,6 mio. kr. missaanik annertuseriassasut. Ilangullugu inerniliullugu oqaatigineqarpoq tulaassisussaataaneq annikillineqarpat Maniitsumi, Paamiuni, Qasigianguani Kangaatsiamilu sulisut ilanngarneqartariaqalissasut. Sulisut ikileriaatissaasa ilaasa nunanit allaneersuunissaat naatsorsuutigineqarsimavoq. Sulisut ikileriarnissaasa akileraarutit akitsuutillu amerleriarnissaannut sanilliussinermi taamanikkut tulaassisussaataanerup atorunnaarsinneratigut pisortat isertitarisartagaat 14 mio. kr. missaanik amerleriarnissaat inerniliunneqarpoq.

5. Inatsisartut anguniagaannut sumiiffinni oqimaaqatigiissitsinissamut qeqqanilu eqiterussinerunngitsumik suliffissaqartitsiniarnermi, allanik suliffissarsinnaanermit qulakkeerinniffiunngitsuni pisortanik suliffeqarfiutaasumit nunami atortulersuutinut tulaassisussaataanerup appartinneqarnera illoqarfinni minnerni ingerlanneqartoq Naalackersuisut naleqqussorinerlugu?

Royal Greenland A/S-ip takutippaa illoqarfinnut sisamanut tulaanneqartussat annertussusissaat eqqarsaatigalugit eqaannerusumik periuseqarnissaq pisariartinneqartoq. Eqaannerusumik periuseqarnikkut pisariaqartitsineq naapertorlugu ingerlatseqatigiffik qalerallinnik pilersuisinnaalissaaq, siunissaq ungasinnerusoq isigalugu suliffissaqartitsinermut iluaqutaasussamik.

Apeqqummut 3-mut tunngatillugu kisitsisitigut takussutissiami takuneqarsinnaasutut ukiuni 2020-mit 2025-mut qalerallit avataaniit tulaanneqartartut amerlanersaasa tullii Qasigianguanut tulaanneqarsimapput.

Erseqqissaatigineqassaaq avataata qaleralii kisimik tunitsivinnut tulaanneqarneq ajormata.

Inussiarnersumik inuulluaqqusillunga


Peter Borg

Aalisarnermut, Piniarnermut, Nunalerinermut, Imminut Pilersornermut Avatangiisinullu Naalackersuisoq